



半江集

卷一之四





半江先生文集叙



君子之學，涵靜而精，專用力於人所不知之地，以求夫自慊，故能篤實，粹光久而益宏，愈挹而愈不可盡。雖漢魏以降，以文辭藝術名家者，雖其用心之公私，亦大不同。蓋古未有不由斯道而能垂

有譽於天下也後世醒學益晦
而文詞之習日盛然亦卒未有能
超漢魏之轍者蓋獨才力之有
百要其精專之工深根固蒂
以求所謂快然自得之妙者必有
所不逮矣幸江趙先生多蚤以文學
顯名當時自成化以素士之知

工文藝者即知有先生其為詩
文宏贍清秀如長谷之雲幽溪
之瀨人望之漠然無窮悠然既
而樂之而不忍去也自先生始入仕
以為刑曹劄司交四方之矣然
居常不從客務暇其於詩文未
或見其有苦心極力之功遂皆以

為得之天分則尔先生與家君
龍山先生為同年進士故守仁
辱通家之愛三以是為知先生
矣其後告病歸陽明先生方
董學以校士於越邀宿行臺間
時窺其詩稿皆重復刪改或通
篇無遺字取其傍校士卷緒之

畫卷皆批竄點抹以為此偶其所
屬意則亂抽十數卷無不然又
見一小冊復歷所至山川風俗道途
之所聞經史之所疑無不備錄
聞其侍童云云暇即拂案展
帙焚香靜對或檢書已夜無
矜整袖默坐良久始就臥於

知先生平日之所養者是其深
雖於政務纒纒之末而皆用其精
多於此也夫然後嘆先生之不
可盡知而世之以文詞知先生者
蓋猶未見其杜權也已先生既
沒同邑之士有王氏兄弟者慕
先生之遺文於子禧而刻之先

生之壻沈知柔氏與禧以教諸因
與論先生之素始知先生之全稿
既已散失此所刻者特禧之所授
緝而向所謂重複刪改與小冊
之所屬者蓋已無存矣其平生
用字之密考充養之深雖其子亦
壻而皆未之能盡知也先生之

於斯學其之可謂洞靜精卓
用力於人所不知之地以志自博
者矣使先生之率是而進天其
假之以年雖於為醒矣也何有
照以先生之不可盡知者推之則
又安知其不嘗致力於斯也而今
不復可知矣因敘而論之使後之

亦先生於是集者得有所考焉
正德乙亥冬至日餘姚王守仁敘

半江趙先生文集叙

宏之成進士也故廣東按察使半江趙先生與典試事受知頗深先生之捐館舍有年矣宏頃歸道吳江訪其廬而弔焉見其子邑庠生禧問其遺稿禧乃出示此編凡詩六卷文如之蓋校於鄉彦文君璧而同

邑太學生王君明所為鏤梓者也
禧謂先生稿甚富然多散逸不存此
特十之一二耳因以編端之叙為請宏
雖蕪陋諒有不可辭者蓋嘗聞之
昔人文者氣之所形文不可以學而
能氣可以養而致又謂氣之於言猶
水之於浮物也水大則物之浮者小

大畢浮氣盛則言之短長與聲耳之
高下者皆宜焉先生之文闕侈鉅衍
奔放橫逸若得之甚易者然而灑
度從容意味雋永讀之累日而不能
舍去譬則駕萬斛之舟載百車之貨
鼓行於重湖鉅浸之中乘風破浪浩
乎沛然而蜀錦越羅隋珠和璧與凡

可珍可愛之物莫不具在是其氣之
盛也可知矣桓潭有言親見楊子雲
容貌不能動人安能重其書若先生
者白晳纖弱身不勝衣而其氣之形
於文也乃若是其感讀者安知其不
謂先生為魁梧竒偉之人乎蓋世之
秀慧能文者多矣然能而好者鮮

焉好而不怠以止者加鮮焉不怠以
止而能知充養之蘄者又加鮮焉先
生天資穎異夙出流輩早魁多士
名譽赫然而守之以晦官西曹有吏
責日親朱墨敲朴之務而復乘其
餘暇肆力於經史百氏之書恬於執
利甘守常調拔乎流俗視求田問

舍之事若將浼焉而獨汲於問學
文章不啻嗜慾飲食茲非所謂行之
乎仁義之途游之乎詩書之源而無
迷無絕者邪宏嘗惜先生得年不
永而致位未顯志業勲名有遺恨
焉然父可不腐且其子能傳之在先
生亦可以自慰矣先生諱寬字栗

夫半江其別號云正德十一年歲
在丙子春二月己未

賜進士及第榮祿大夫太子太保
戶部尚書兼

武英殿大學士致仕鉛山費宏書

重刻半江趙先生集序

孔子曰言之無文行之弗遠是言貴
文也文矣而有傳有弗傳者何哉夫
傳以集集有全而逸者有選而畧者
全其大也選其精也皆作述所不廢
也惟逸與畧爲文之遭此君子所以

興弗覲全文之嘆是故孔壁汲塚石
鼓不可謂無功於六經也已至漢史
不足彪續之蔡書罔存琰筆之存十
一於千百非藝苑之盛而迄今爲光
者哉余鄉半江趙先生秉靈抱穎德
粹道冲吐辭揮翰風馳電掣自魁春

榜署比曹衡浙文廉廣按察所歷飛
灑以文名於天下凡酬答糾紛不爲
屬草皆立就於尊俎笑談之間無怪
乎家藏之稿無孑遺也人咸稱其有
應制才茲讀其集不其信乎及觀鵝
湖費公陽明王公二序費得其大而

王得其精矣奚得其精其詞曰親見先生所重復刪改者悉已無存蓋嘗詢之舊集所緝皆博搜雜拾於海內聞見所及其弗及者未知多寡於所及否也全且未必而矧盡夫精乎茲先生仲子韶郡別駕禴以舊板湮滅

將復梓之購得先生手錄一冊於太史三江毛公之故第蓋先生自得自選托之讐較者四失其三是雖壁破塚穿鼓毀猶幸一者之存也即而讀之益肆而法愈藻而奇謂非陽明所親見其改定者耶夫得其精斯可

選可選斯可傳可傳斯謂之全亦可
也是梓也可少乎哉嘗見世之爲子
若孫以不墜前人之緒爲克肖至有
家藏名物珍玩寶器世守勿失豈惟
人從羨之而子若孫亦自以爲賢孰
有寶前人散落之文求其精者於四

五十年之後以圖垂於永永哉禴作
而言曰在毛三冊在廣四冊尤晚筆
莫之求也奈何余謂昔朱壽昌失其
毋不知所在求而得之堅是心也能
以壽昌求毋之心求父之文則先生
之壽昌矣後先光裕彪琰何足多時

嘉靖四十年歲在辛酉雞窠中七十
一野人沈啟拜序

重刻半江趙先生集序

古人以文章名家者亦多矣考其所撰或得於天資或原於問學或專乎詞章或兼乎德業以謂人材之不齊如此孟子所云誦其詩讀其書尤必論其世者凡以此也由

漢迄唐姑未暇論至宋吾得一人
焉曰秦觀少游少游之文章清新
豪逸不事繩削而繩削之工殆未
有出其右者亦近世之名家也吾
邑半江先生趙公生于

憲

孝文盛之時而稟清淑穎異之氣凡
有著作率皆膾炙人口當其卽席
唱和對客應酬握管濡毫畧無凝
滯大者千言小者數句恒視其楮
之脩短而爲之始不構思終不加
點一時才名之士咸屈服焉識者

謂少游復出於今不爲過矣然余嘗謂先生之才與少游同而其文亦絕相類至論其世則少游官止正字遷徙以死其事不少概見而先生敷歷中外二十餘年明刑于郎署作士于浙臺功業顯著方之

少游實遠過之蓋二人之遇不同故其所就亦異未易以優劣論也而世或專以詞章稱先生豈不謬哉先生著作甚富以不屬草故多散逸陽明王公守仁嘗於越署窺見全稿類多刪改甚者通篇無一

遺字吾意先生晚年亦悔其平生
所作之易而思以矯之使天假之
年其精詣遠造未量也而僅及下
壽以終全稿復失惜哉先生詩文
號半江集太學生王君思誠旣刻
以傳而仲子通判韶州禴又收其

遺文得百餘篇各以彙附而重刻
之可謂能世其文者矣吾聞通判
君在韶以不入英州戍卒罪忤當
道劾歸至是英人樹碑頌功德又
建生祠祀之然後知君不獨世其
文又能世其業也集凡十五卷詩

文總若干首云

嘉靖辛酉冬十有二月朔旦

賜進士出身刑科左給事中前翰林

院庶吉士邑人徐師曾書

半江趙先生文集目錄

卷之一

賦

玉延亭賦

并序

瑞蓮亭賦

并序

觀瀾生賦

并序

天柱峯三芝圖賦

卷之二

五言古詩



卷之二 生

正宜與李太守過蘇訪李太僕應禎先

送沈材美之晉州

四月廿九日省中西軒對雨

七月望後省中對月分韻

苦雨

與陳一夔王存敬夜坐限韻

秋日書懷

次韻和姚景昭冬日苦雨

春寒過淮作

過張秋觀河決寄呈都憲劉公

書懷

五月十一晚坐納涼漫書

登黃鶴樓呈藩臬諸君

烹茶桐江舟中

嚴瀨

馮公嶺

送邵天衢之閩臺

送劉世熙四川提刑

自青田至處州一百五十里溪行

錦溪小瀑布

訪魏孔淵方伯畱飲山亭賦贈

曲江感秋

秋居書懷

首夏病間

書懷二首

中秋夜用張天方韻

偶作二首

晚涼偶咏

聞櫓

送行分韻得左字

送行分韻得轄字

代內江蕭雲漢送行得位字

代新安洪僉憲送行分得字

卷之三

七言古詩

題蘆溝曉月圖

卷之

賦得漠漠停雲送王存敬勘事山東

追和楊鐵崖先生花游曲

雙松圖為洪宣之郎中賦

題畫竹寄張廷瑞

遊陽羨善權山洞

題洞庭興福寺圖

李時顯家藏墨竹

送申明之

夷然子贈盛用敬

畫松

陸郎畫梅歌

沈石田雜花圖為汝濟商作

王天祐家藏墨竹歌

閘河行

錢世恒僉憲將出巡有詩見寄次韻

送之

送顧自脩歸吳

觀蕭凌漢所藏東坡題識文湖州墨

竹

畫獅子二首

海天秋月吟為林舜舉作

沈石田畫古樹為陸全卿題

贈別周道立侍御

藍文繡侍御東厓書屋次韻

括蒼溪上

沈石田百鴨圖

水底石

題蕭凌漢藏都憲史公墨竹

題張憲副畫

鳳鳴朝陽為希範賦

贈李茂卿

題墨竹贈洪克毅

望西山霽雪次馮佩之韻

予別杭之廣林舜舉持其鄉人武昌

陳守所贈楚江圖為賦長句

閨門葉氏來清樓

贈殊勝菴問海上人

梅花莊

題林舜舉群駿圖

題徐子仁花竹窠石圖

烏箋畫泥金蘭竹走筆戲贈一首

葡萄圖

畫牡丹

僧房叢竹次韻

題禾黍鷓鴣圖

新韭和吳汝礪韻

和幼真少叅春日書懷

代義陽胡瀛送行得舊字

松陽道中

庚申十月十日

卷之四

五言律詩

樂山亭二首

梅林

茗畹

送周原已之南京太醫院判二首

與王存敬省中晏坐次唐人韻

正過楊君謙夜坐分韻

題省中新軒次張司業過賈島幽居

外韻

送仰晉卿僉事

散衙

夜飲楊質夫席上分韻得春字

新鴈

冬日對雨

東昌道中阻水寄張時措

王允達中書輓詞二首

南昌城下夜泊

春雪大冶道中二首

宿高良寺次壁間舊韻

剡溪

海寧道中

自奉化至西店春意滿目驛亭桃李

盛開獨坐成詠

癸亥十月三日重過西店次舊韻

杭臺四別

別僚友

別書院

別寓舍小軒
別西湖

和匏菴先生園成

輓陸君

排律

次韻答杜子開進十

送金明府五十韻

上巳日卽事
書懷

壽徐少傅

九峯寺

月下讀學諭劉啟所上排律率爾用

韻

咏莪

送行

卷之五

卷七言律詩

送駱蘊良知安陸州

次韻送談郎中綱之南京

提刑日次劉職方時雍韻

送張大理弟歸鄉

輓蔣原用

次韻王存敬秋夜獨坐

送林恒肅歸祭

送湯乘之歸句容

送郡文敬之思南二首

次韻送邊都憲巡撫山西便道歸省

送王存敬重上山陵

次韻陳一夔西潭草堂

東臯勝井

院落晨輝

王延亭限韻

又次陳玉汝韻

送姚茂明之南京

夜飲限韻

送馬醫官

王延亭次韻

夏至前一日江西部燕坐限韻

臥病一首呈一夔司長

省中夜直不寐

次韻送吳孟章大尹二首

油餽

出郭

過蘆溝橋

郊行雜咏四首

夜至昌平柬秦延贄

登山

陪祀用前韻

下山次韻荅部中諸寅長兼謝送行

之作

哭王古直次韻

陳氏東眺軒燕集次韻

再次前韻

省中夜坐

挽陳匯之母

挽張巡撫

送吳原輝

送林待用

次韻吳禹疇二首

煙菊

送張兼素謫官之師宗

送人之閩教

人日雨雪限韻

郊祀宿大興隆寺次韻

次韻孫駕部志同

送浮梁戴先生貴州教授

送高璘知太和縣

送吳江令孫微之

送婺源令

昌平城晚眺

遊仙人洞限韻

輓邊都憲父

送王訓科還天台

三月八日省中偶成

送馬天祿僉憲雲南

送太學張信夫

題金臺話舊圖爲劉廷珍郎中作

壽譚翁九十

次韻朱都憲歸自廣南

次匏菴遣悶韻奉慰

送楊應寧

次周原已上巳登雨花臺韻

過陳給事半舫次一夔韻

送陳時習歸松江

西巖歸老送葛彥章

送戚時望提刑湖南

送吳汝器

次韻答王存敬見憶之作時存敬將

奉使山東
得告後遊陳氏西溪竹屋次王世賞

二首

六月二十三日東歸舟中

晚過柳林

夜宿許子厚恬竹軒

夜坐

癸丑元日

正月四日過管先生新居

又呈掌教屠先生

送王成憲掌教秀水

謁墓吳山歸舟阻風因過西資竹院

偶成

觀泮池牡丹次屠先生韻

四月四日過華嚴寺時佛殿悉毀於

火惟浮屠獨存偶成

和吳汝礪

題扇贈金明府

譚元政西林隱居

吳山寺

王成憲得子有詩見寄次韻賀之

送吳禹疇憲副

夜讀張時措詩稿

濮頭道中初見桃杏花

過高良山

送朱鄞縣存仁

過楊信之花園用匏菴壁間舊韻

十送姚應隆

卷之六 送李茂卿

春暮遊西郊

輓張博士母

過朱嶺

戲贈沈于海

送張元穆東歸

送呂廷敏歸南雍

次張時行給事韻

霧中渡浙江車船

桐江

七里壠

釣臺

除夕龍游舟中初度

賓陽谷壽王樂善先生

送韓國器中書歸省

卷之六

七言律詩

六月三日李惟正郎中邀飲興隆僧

舍席上詠雨限韻

邵國賢卽其先世之居容春軒為精

舍祀二程龜山於室匏菴諸公有

詩余亦次韻

大方伯畢公封及三代而尊公大夫

在堂

題雲壽長洲郭封君

謁墓過太湖

竹宗詩

壽竹宗上人

贈熊先生

天方池

雨中望玉峯

訪王成憲不遇

次韻匏翁中秋對月之作

答陳成齋前韻見寄

送謝方石祭酒

送陳民部嘉言

送范明遠進賀聖節便道歸省

過梅溪

早春郊行

初夏江行

陳用常同年席上作

淳安山中二首

望金華山寄洪克毅提刑

登清風樓用前韻贈洪克毅張廷賓

再用韻題戚時望
芙蓉書屋

過永嘉弔黃蘊和

蘭溪舟中

江塘晚行

送楊志仁之安慶

保叔寺次顧天錫八音詩韻

四明行臺夜坐納涼

定海舟中

送姜仁甫之淮陰

松陽山溪

奉次陳成齋都憲遊朝天宮韻

奉次陳成齋聞匏菴先生入閣

奉次匏菴憶鶴園韻

癸亥九日雨中登南鎮禹穴

登山遇括蒼李員外載酒同遊因寄

蘇伯安秋官

再寄伯安

北渡夜泊

嵇山行臺試士遇雨

次韻贈婁原善

戊午十一月遂安道中

和王伯安二首

次韻答邵國賢

賓興勸駕詩

西湖

再次韻答邵國賢

東越夏旱尤甚過姚江有感
與志道會後阻風雨江上相望有懷
伏羌伯忠義祠

壽域春榮二首

次韻送大司寇戴公

賜告歸浮梁

憶舊遊

行臺日暮

東山尋謝安石故居

次韻王庶子四首

和行臺夜坐
和答胡提學

東和咏竹
和送臨江孫五美

送友人三首

三衢道中對雨

瑞昌道中
和家煇公
和古題

用韻送王世賞

次韻贈夏德樹

次文山宿江心寺韻

剡溪遇吳大叅理之聯舟尋謝東山

走筆送何以仁

和內閣吳匏菴先生壽何愛山韻

奉次劉大叅畱別之作

八月廿二日雨中書懷

挽童處士

雨中宿安禪寺

送曹元孝

次兩山韻送孫大理

次韻顧天錫湖上之作

送陳汝德進 聖節表

登江心塔寺二首

江行回文

登窰窰嶺

望鴈蕩憶舊遊

初入鴈蕩

遊李氏山亭

題陳都憲奏議

登能仁後山

龍湫瀑布

鴈山西谷

晚過宗陽宮

癸亥十月越山南行

暮春會墅嶺

暮春山行

新昌山中晚行

閱溫郡諸生試卷有感

客散後與葉良材夜坐次浦有禎韻

呈諸公
王汝承南樓
題長洲郭封君擇勝舟和韻

卷之七

七言律詩

送秦國聲倉曹分司臨清

送韓冠卿

送王上舍

壽徐翠菴

送僧惠瀛歸住姑蘇靈巖寺

贈善畫僧古蘭

送僧住吳江寶華寺

送崑山許翺司訓

送上海沈翁

壽王玘同知母

僧無瑕住鶯湖殊勝寺復移住圓明

禪院領檄歸吳賦詩送之

送僧住支硎山寺

送馬善徵行人

送友人

壽湯宗大

送楊元範宰平陽

送林舜舉僉憲

次李若虛韻贈林舜舉侍御二首

平蠻奏凱

衣繡行春

送王器之侍御巡東吳

周文濟御史之尊甫母夫人同登六

句作詩壽之

陸地蓮壽羅翁

恩慶圖

張貢士貧樂窩

送駱蘊良知潮州

贈僧無涯

送任思順考績歸郡

方壽卿主事之弟信卿官南京戶部

號雪筠賦贈

宜興張氏雙桂堂

弔文山遺墨

匏菴先生園居吳南夫內翰借居之

作詩見寄用韻奉答

水雲亭送顧惟庸司務之南都

輓戴恒菴司訓

送毛世章僉憲進表還西川便道歸

省甬東

送照上人歸吳

輓程翁

儲靜夫淨拭軒

題烏箋圓圖泥金梅月贈馬汝礪廬

州

送何子元主事使甘涼

送陸全卿

應詔揮毫爲僧錄皚東白作

次韻送伍朝信周伯震二郡守七首

正月廿三日酌別伍朝信於興隆僧

舍呈朝信一首

送秦信卿歸華亭

送白輔之

次韻送張羽進士宰淳安

雙瑞堂爲謝侍郎先生賦

贈陳克明庫官

送僧歸住吳江華嚴寺

送楊來虞

送吳郡道紀王逸人

壽蘇廷美

赤壁圖

歸去來圖

代丁松爲其翁壽

送汝濟商

送徐一齋主簿綱運還閩中

金海次匏菴韻

謁孟子廟

過杭州

題畫

荅婁忱縣博

代東魯張寬送行得頻韻

代長州陸全卿送行得虛字

代關中范鏞送行得今字

代西屬陳輔送行得年字

送行得儒字

次韻陸全卿哭王敬山侍御

山行

卷之八

五言絕句

題畫

山行三首

宿剡溪

芙蓉峯

龜峯

入壇

迎駕

賜食

歸幕

齋居

夜行

六言絕句

食蛙炙四首

七言絕句

西軒偶成

省中西軒與存敬分題賦得水萍

春江圖

次韻王濟之先生賞桃花四首

陳以時舟中次楊君謙韻

送錢仲美司訓高唐州

寄儲靜夫

諸暨道中

登韜光菴遇雨

雨中山行

過鏡湖

登天台山

江行

自處州至金華山行五首

送范以貞四首

王伯安約稽山登高及期以病不果

登玉峯東亭

暮春行剡溪偶得四絕句

六月十一日雨中偶書

瑞昌道中

觀風謠十一首贈邢侍御

湖州

杭州

嘉興

紹興

寧波

台州

溫州

處州

嚴州

金華

衢州

王思善月湖乘棹圖

浙臺送龐宗源還吳江

題畫四絕為白輔之作

棹穿波底月船壓水中天

霏霏向人薄脉脉去人逢

數株風靜樹一派雨來泉

潮平兩岸闊風正一帆懸

題扇贈昱上人

過太湖

三衢道中

言志

答陳一夔

贈侯公繩

賦得慈竹慶壽

示六弟宇

次韻陸全卿哭王敬山侍御二首

聯句

乙巳歲除夕前二日與楊光溥王存

敬宿省中會于河南司之西軒聯

句

丙午中秋王南郭陳西潭過訪菜市

新居聯句

楓江叙別聯句

語水逢馮雪湖二首

巳酉正月十七日海月菴觀燈聯句

會婁元善聯句二首

白菊聯句

呂太常識別聯句

賞菊聯句

夜飲聯句

會馮佩之聯句

齋宿聯句

上巳日過信州謁野亭先生聯句

詠雨聯句

詞

蝶戀花 題花鳥圖

滿庭芳 早起納涼

沁園春 秋山訪隱

減字木蘭花 姚江阻雨

西江月 懷仙仙居山中
嵇山望雨有懷王伯安

水調歌頭 夜宿玉虛宮

癸亥十月二日西店驛書

畫堂春 病中偶書

錦堂春 王月湖雙壽

長生謠 題同前

臨江仙 題畫牡丹

喜遷鶯 并序贈郡侯袁君

佳城詞

卷之九

記

璞菴記

慎菴記

樂善堂記

重建綺川亭記

盛用敬醫效記

吳江重脩廟學記

浙江提學書院記

資仕堂記

重脩杭州府儒學廟祀記

重脩靈衛廟記

聚遠樓記

重脩浙江察院記

重建文丞相祠堂記

海會寺觀音殿記

孫節婦祠堂記

月湖記

月樓記

應齋記

卷之十

序

北山志序

送張仲明歸侍序

送周原已序

聯句集序

送龐元白詩序

送溫廷寶使陝西詩序

送趙縣丞序

送劉用齊推官序

贈御醫陳先生序

送吳汝礪序

送葉台州詩序

送太學生莫君序

送江西憲副吳君懷德序

送管先生致仕序

送施彥器出守河間序

送新城令胡君序

送伍朝信出守寧波序

方伯李公輓詩序

壽陳翁七十序

黃氏族譜序

菊石圖序

具慶圖詩序

姚母榮壽詩序

送方壽卿序

卷十一

序

送吳江令孫侯序

送周方伯擢任廣東序

送廣東憲長劉公序

送河南憲使文公序

遊西湖詩序

送畢公擢任序

南京吏部侍郎王公輓詩序

送冬官副郎張君序

送民部田君序

謝氏族譜序

送鄭冬官序

藍氏東厓書屋序

送徐德瀾詩序

張氏世譜序

賀大光祿楊公七十序

送蕭凌漢序

送水部徐中行序

封都轉運使畢公八十序

送董茂克同守述職歸郡序

榮慶圖詩序

送南臺大司寇戴公詩序

送張騰甫序

送曾御史序

卷十一

引

送四川僉事仰君晉卿詩引

遊鶯湖詩引

贈別聯句引

送周伯震詩引

壽徐栗夫詩引

送同守馬汝礪詩引

白駒聯句引

跋

書東村卷後

書莫氏先德後

書紫陽遺跡後

書菊石圖後

像贊

司訓管先生母李夫人像贊

周廷佩母像贊

封主事陸君像贊

封晉州守沈公像贊

封宜人張氏像贊

字說

吳京希周字說

林玉汝于成字說

王說商臣字說

雜著

辭免賜物禮啓

賀徐少師致仕啓

送孫都憲綵帳文

吳山盛長老竹宗偈

觀世音感應頌

紀行錄

卷十三

祭文

祭俞侍郎文

祭屠先生文

祭陳匯之母文

祭王宜人文

祭陳安人文

祭項司馬文

祭鍾氏忠烈文

祭封太子太保屠公文

祭程叅議文

祈雨告城隍文

祈雨祝文

告山川風雲雷雨文

告社稷文

謝雨文

祈雨告城隍文

祈雨告山川壇文

祈雨告社稷文

祭胡廷器文

重脩岳廟落成文

祭王寺副文

祭張伯章文

祭丘恒吉毋孺人文

祭何老夫人文

祭黃文選毋文

祭封少詹事王公文

祭肅愍于少保文

祈雨祝文

祭封太淑人呂毋文

閣老文愍之配

祭朱都憲文

祭劉夫人文

祭王存敬文

黃岩縣祭杜清獻公文

祭黃祭酒毋太宜人文

祭憲副朱公文

祭岳武穆王文

祭饒正繹文

祭宋都御史文

祭楊太守文

杭城火災祈雨文

祭張文衡參議文

祭吳天宏御史文

祭鄭太孺人文

祭封太孺人盧母文

祭封孺人陳母文

祭婁母文

祭夏時正大理文

卷十四

誌銘

黃處士墓誌銘

卷十 安人居氏墓誌銘

韓氏墓誌銘

先祖母莫氏墓志

亡妻封宜人莫氏墓志銘

昭武將軍浙江都指揮僉事王公墓

志銘

張德遠暨妻沈氏墓志銘

廣東潮州知府駱君墓志銘

浙江按察司僉事朱公墓志銘

龐君暨妻趙氏墓志銘

封安人許氏墓志銘

盛處士墓志銘

丁君暨妻周氏墓志銘

馮孺人墓志銘

卷十五

墓表

裕菴楊處士墓表

金華府推官徐君墓表

墓封宜人陸氏墓表

卷行狀

先祖梅溪府君行實

附錄 吳士墓誌銘

廣東提刑按察司按察使半江趙君

墓誌銘

明故嘉議大夫廣東按察使半江趙

半江趙先生公神道碑銘

明故廣東按察使趙公墓表

嘉議大夫廣東按察司按察使半江

春坊吳趙公墓表

名曰半江先生實錄

寬厚恩師半江趙公遺像贊

美遠半江先生像贊 有序

半江趙先生文集目錄 終

封宜人陸氏墓表

行半云云主翁贊 首序

恩福半云云公貴翁贊

半云云主實驗

附錄龔公墓表

嘉嘉大夫龔東對察同對察與半云

明姑龔東對察對龔公墓表

明公軒蓋輟鎡廣東按察使半江趙

半江趙先生文集卷之一

賦

玉延亭賦 并序

春坊吳老先生所居崇文街第有園一區

名曰亦樂中有亭曰玉延王延今山藥也

寬辱從遊門下屢登斯亭見所謂玉延之

美遂為先生賦之其詞曰

伊園居之蕭爽並東郭之青陽惟春坊之多

暇爰日涉以徬徨有亭玲瓏立乎中央掖若



翬飛翕若雲翔罄若盂縣軒若蓋張通豁無
外空同無旁遐瞻爲圓近視成方奧斯亭其
何有四環植兮芬薌有藥物兮一種獨策名
而擅場蓋化工之佳蔣拔衆卉之尋常資喬
佺之服餌經炎農之口嘗爾其茁發墳壚蔓
延藩籬布濩苾芴蔓對歲蕤承檐榮而蔭敷
緣薄櫨而芳襲紫莖纏綠葉茸珊瑚掩映玻
瓈潤浥赤瑾青琅水蒼碧琳交加陸離鬱鬱
森森雨濯露浣風揚日暴炎景鑠兮花繁商

飈飛兮實熟琪璫瑣屑以如綴玫瑰的皪而
可掬扶疎幡纒旖旎背向峙垣堦開屏障秀
色散餘馨鬯蕩搖軒楹之間披拂几席之上
旦暮殊態紛不可狀若乃深藏厚蘊靈根獨
存惟土之膏惟坤之珍條達夭矯盤糾輪菌
孕天地之和氣葆陰陽之清醇如璧如瑜如
珙如璞朝采璘璠琬琰卓犖不壘不瑕可治
可琢剖之兮爲璜束之兮成殼旣柔粹以靡
曼亦郁淑而精確短鍾荷長鑱斲覓藍田之

舊種試昆吾之新握但哩然勿諤諤須臾盈
筐磊砢錯落黃壤破浮齋剝金鈔沸竹爐燻
酥酪謝其英華霜雪避其鮮鑿不臙脂而腴
不養餌而膩不衡蔬而馥不果蔬而脆抱溫
平之至性全冲融之正味復含章而可貞美
在中而緇表養精安神外衛內保輕體骨以
飛步延壽齡於難老此其功用之絕倫又何
羨乎仙家之瑤草於是春坊公退禁直收金
蓮高幘岸野服傾登斯亭而大嚼貯腹筭之

克然恒饗晨兮殮夕引公年兮三千

瑞蓮亭賦

并序

明府孫君植蓮盆池一莖雙花侍御王君
題其亭曰瑞蓮余過而樂之卽席援筆爲

五賦其詞曰

笠澤水遠吳松景幽花封陋河陽之小邑盆
沼隘若耶之清秋金塘分內園之太液玉井
酌泰華之靈湫祥煙蘊結瑞日凝烈翠蓋兮
高張紅粧兮成列大喬小喬兮天媚五郎六

郎兮奇絕十丈如船千疊如錢披錦繡兮可
擷濯玻璃兮逾鮮魚戲兮欲動龜巢兮木顛
試潘如之微步戴太乙之真仙東林社兮生
白麻姑壇兮呈碧乃方外之殊風非人間之
正色豈若張翰遺墟鴟夷故國木姿態之天
然去塵凡之雕飾香紛披而四敷影亭亭而
淨直周子沒兮人文荒光風霽月空寒塘恐
年歲之將暮思采擷而爲裳有美一人來自
西土岢嵐萬尋汾沁千古豪傑將種風流藝

圃淤泥不染蘅蘭爲伍飛青天之玉鳧撫夜
月之絲桐卓茂魯恭邈焉高風豈意于今我
民親逢閭閻紛兮萬井淑氣燠兮嘉靖甘泉
溶兮澄清沆瀣零兮涼冷桃李兮春華松菊
兮秋妍誰似夏景江湖田田桑翳翳兮馴雉
柳陰陰兮鳴蟬南薰動北陸轉麥兩岐野鶯
蠶阜財解慍布濩流行令君脩行兮阡陌脩
汀洲容與兮駐蘭舟葦本滋兮膏潤斑白娛
兮歌謳覩菡萏之千頃超衆妙而獨整旣不

蔓而不枝亦色莊而性靜堪君子兮比德謝
游俠之浮騁爰命健步移之縣齋雙花駢蒂
嫣然並開掩映簾箔飄揚庭臺仁化所鍾倚
歟休哉君自公兮退食據胡牀兮偃息微涼
隱隱神怡體適筒泛兮流芳藕雪兮含夜瑩
如玉兮潤如酥發精英兮蘊元和供儒林之
勝賞痊蒼生之沈痾階前止水深盈尺
天光雲影浮動於檐阿鍊冠柱史東吳彥登
堂一笑風生面閒拈彤管試新題五色淋漓

綵雲絢綵雲兮綵雲結螭虬兮盤綉紋楣閭
兮砌下照映兮氤氳日長避暑兮文字飲百
里絃歌兮歲年稔報丹鳳兮飛來嚙天章之
片錦徵還君兮入紫清調玉燭兮登昇平分
天潢之嘉植散九澤之根莖杵實兮爲糧削
蠶兮爲錫順養萬姓延壽考何須昌陽與青
精浩蕩無懷氏逍遙太和羹君不見商家鹽
梅和九鼎此物與之誰重輕

觀瀾生賦 并序

僉憲徐君朝文自號曰觀瀾生謂余曰某
生江湖之間長而置身宦海之上驚濤駭
浪蓋飽閱而熟覩之第力有不逮時有不
然思欲障頽波回狂瀾而未能也然嫠婦
之憂有不能忘情者是以觀焉余深有感
於其言永嘆不已遂爲賦之其詞曰
元化交流之馮翼兮孰翕而施春秋旦暮之
荏苒兮彼逝者其如斯波濤橫被乎宇內兮
何一物而無之鉅者爲澎湃兮細者爲漣漪

豈獨江與河今日浩浩而東馳合群動而皆
然兮試比類而旁推群鴻飛而蔽空兮萬馬
逸而無羈雲霧滃而上蒸兮岡巒邈迤而屈
屨長林撼風起伏而號呼兮禾黍秋熟極日
之紛披蚊蚋蠓蟻隊分而陣合兮蟻全集於
階墀蠻觸氏之鏖戰兮螳臂奮以相持長楊
羽獵車騎之彌山兮昆陽鉅鹿於萬壑之旌
旗蓋無往而不寓夫懷襄之勢兮信物情之
險巇渙崩奔而洶湧兮莽曠蕩而無涯詎天

命之難謀兮亦人心之惟危彼六鑿之相攘
兮判水火之坎離或深谷而爲陵兮或平陸
而茂池或行險而侔全兮或居安而傾歆或
呂梁縣水之可蹈兮或濡裳於泮濱況乎世
變愈降兮民爲日滋蘧條與戚施兮競風靡
而相隨瞖雙目而無見兮悲衆人之蚩蚩何
夫君之不允兮獨幽覽而深窺洞玄機之靈
扁兮徹秋毫而靡遺始者吾將要其終兮盈
者吾將究其虧孰往矣而不復兮孰成焉而

不隳堅胡爲乎易缺兮芳胡爲乎易萎惟綱
常之爲大兮寔吾職之攸司吾既有此兮節
兮鯁特立之權奇苟橫逆之觸吾目兮吾安
能忍而嚅喞固將挫其銳而解其紛兮豈但
恤緯而憂葵操巨舟以弘濟兮屹砥柱而不
移投寸膠於溷濁兮揚醇酎於澆漓追邃古
之往躅兮還炎農之希夷旣彰善而瘴惡兮
亦起廢而興衰上以紓宵旰之憂勞兮下以
洗赤子之瘡痍睨華勛之未遠兮奚凱元之

不可爲嗟此志之耿耿兮窮日夜以遐思患
精誠之未白兮恐效妍而成媮世蓋有披肝
膽而不信兮矢金石而猶疑使交淺而言深
兮徒速累而招疵將鉗吾舌而括吾囊兮非
吾心之所期欲超然高舉而莫之顧兮又酬
恩之無時故吾將觀其會以制變兮庶順動
之攸宜奮果毅而勇進兮夫皇恤乎吾私願
惓欸以自效兮豈堅白而磷緇圖寤言之可
復兮及吾髮之未絲亂曰八荒滔滔一瀰漫

兮孰澄其源殺其湍兮惟彼達人得大觀兮
旁燭無疆神之完兮仰輔 聖明瀝衷丹兮
魑魅魍魎莫敢干兮海不揚波永清安兮

天柱峯三芝圖賦陶成爲陳明之作此

圖明之招予飲出圖索題予卽席賦
之

惟荆湘之磅礴聿衡嶽之崔嵬凌丹霞以突
立劈蒼穹而中開祝融兮我冠朱鳥兮聳味
卓如砥石屹江河之中流又若銅標揭扶桑

之遠岫蒼梧鬱鬱巨其陽巫峨岩岩經其右
蓋坤德之蘊積鍾南極之英靈惟人亦然乘
間氣而挺生美太丘之華胄偉昭代之名卿
蒼顏頽然勁骨萃若抱冲襟之孤高出囂塵
而脫畧風雲隨其歛舒品彙歸其橐籥分內
臺之重鎮沛中州之甘霖疑蛟龍爲之擁護
下有幽澗之千尋轟巍巍奮翼翼高以平靜
而直信五嶽之領袖眇衆山之培塿其器度
也巖洞崿呀而宏達其節槩也泉石激洌而

清脩於是元化網緼至和伊鬱天寶壘獻地
靈層出娟娟三秀金輝玉質薰蒸煙霞搖蕩
風日貌鳳麟之嘉禎隘八荒而超逸元方突
兀而崛起群季翩遷以翱翔高韻協漢廷之
律靈根呈藍田之祥蔭王槐之清樾接竇桂
之幽芳九曜宣其精五行薦其祉耀光華於
兩間播德馨於遐邇輪囷權奇蔓葍郁鬱燁
燁煌煌芬芬苾苾瓊液潤金英茁療朝饑起
痼疾或得仙於服餌或化善於入室蓋惟有

體而有用故足以濟世而拯物嗚呼惟物之
生亭毒胚胎人亦物也道參三才故人特
達物有奇侅惟茲一峯隱然其可尊惟茲三
芝藹然其可悅衍姚媯之流派高潁川之閥
閱信惟嶽之降神隆世濟之宏烈事業當柱
石之資文章補袞職之闕蓋天將以克 聖
明之瑞人望而知其爲士林之傑者也雲湖
狂夫筆走萬象曾蟠五湖一解衣而盤礴忽
灑翰而成圖爰托物以鑄像慘意匠之縈紆

有美有勸匪誇匪誣他日作之述之成鴻名
於天壤而此狂者尚能含毫染素爲公寫凌
崖之範模

半江趙先生文集卷之一

半江趙先生文集卷之二

此五言古詩

蘇太守過蘇訪李太僕應禎先生

問今半沈石田作圖題詩送之余亦次韻

涉江買春船挂席三百里當年剡溪上夜沈

亦如此二人正同心相對魚在水晤語殊未

央醉倦各披靡榮進業已非歸來計良是巾

車御犢特野服裁苧臬以茲送衰疾取足唯

一已古人稱大隱故不離城市方酣白社歡

肯爲蒲輪起嗟哉絕俗姿海內今能幾
吾鄉美人物君才復超邁壯年奮科甲清修
有廉介茲行剖符竹早展大夫拜晉州雖畿
內壤地僻且隘稔黍供饗殮茅茨覆官廨況
聞今年夏雨潦頗澎湃之任先撫字民瘼待
君瘥建事在憂患安樂多取敗天將玉成汝
此意君勿訝携手當路岐何由盡情話

四月廿九日省中西軒對雨

一雨從晨來灑灑晝方永開軒獨坐對塵氣
忽遠屏屬無簿書事稱此雨中景筋骸旣疏
暢几簟亦涼冷自覺有佳味殊勝食五鼎得
風勢方振滴石聲自警急疑陣馬過緩愛天
絲整旋添盆池水新綠泛萍荇墻頭槐葉深
仰見雙鳥並淋漓未渠央沾足思畝頃四郊
極焦枯得此蓋甦醒況當麥秋候一漑發秀
穎我喜非吾私民望久延頸猶恐下不收積
潦翻爲梗竊懷螻蟻誠建疏欲上請五風十

一雨時至無躡等惠此下土人天意或監省
穹蒼邈難卽此志長耿耿
七月望夜省中對月分韻
團團月輪高浩浩天宇闊萬里無片雲碧色
淨如潑開樽臨前除庭院頗軒豁况復得佳
友發興不可遏零露生微寒慘澹滿衣葛畱
連肴核盡盤礴巾帽脫庾樓足談賞謝賦深
批抹清光世所共勝事吾人奪醉來吸沆瀣
可潤唇吻渴夜久聞秋聲長風起天末

苦雨

霏微方舒晴霖霖俄復作高雲殷其雷清吹
滿虛閣霑潦積日月羲御遂淪落盛夏暑不
至重帛仍苦薄牟麥多荒蕪南畝浩漠漠因
思去年事感嘆忽驚愕萬家竈生蛙市上舟
可泊于今吾鄉民半已填溝壑衆口齊嗷嗷
懸望在秋穫天時乃復爾降沴一何虐西樓
一凝睇轉覺懷抱惡茅茨數家村生意渺蕭
索雞犬聲不聞煙火日寂寞平湖淨如鏡林

木紛沃若遊魚亦有歸飛鳥亦有托饑饉將
安窮吁嗟民之瘼舉頭天濛濛四海共一幕
安得千尺帚為我一掃却手持北斗柄重鼓
元氣龠時雨復時暘歲豐人皆樂彼蒼夫何
如長空自寥廓欲扣閭闔門玄關祕靈鑰
與陳一夔王存敬夜坐限韻

客來掃空堂陰堦尚殘雪論文坐寒夜茗飲
試一啜盤礴娛心神恢蕪縱口舌須臾出杯
酌頗復助談說僕夫儼中庭行馬齧當闌平

生歡樂趣況值初春節古人秉燭遊意與時
輩別同曹得同心金石願相結塵埃力祛除
風月恣批切猶憐乘田吏役志牛羊茁

秋日書懷

高齋秋風起炎暑忽已涼几席安且便坐臥
送年光顧慚樗散姿竟日空徜徉讀書旣慵
惰況復多遺忘任事苦煩勞況復無機防進
退兩無益浮生竟何當再歌伐檀詩遲暮增
憂傷

次韻和姚景昭冬日苦雨

玄冥溺霖雨滕六捲時雪昨寒今復溫陰陽
氣相迭濕蒸煙火微潦積行路絕多抽草木
芽未蟄蛇虺蠶沈沈日輪藏黯黯雲幕設天
漏不自補却怪天工拙豕躑跂莫前蝓鼻仰
難閱淅瀝連日夜頑陰何由輟方愁瘴疹生
浪喜囂塵滅簷溜滴欲穿鈴語聲正咽弓弛
知膠柔巾墊訝角折無乃龍失御戰野久不
決得非銀漢翻傾注苦無節鳥雀亦哀鳴竈

鼉暫忻悅顓帝今司令胡爲少威烈我欲箋
上蒼民瘼細分別凶荒三年來東吳及西浙
此災豈宜再吾意良獨切和君正月歌歌長
擊壺缺

春寒過淮作

二月春已分寒氣一何酷北風連日夜震努
力騰觸殘雪積又消離披徧厓谷曜靈避頑
陰閃覘若偷矚凌晨景暫凝入午霧已歊紅
爐轉覺親敝裘美如玉行道苦咨嗟胼胝凍

生豕桃李杌枯撐有若經斫斲堤柳殭欲死
何有黃與綠尸素慚羲仲專恣罪顛頊我觀
元化運四序各分局寒暑涼與溫來往迤相
續所以成歲功是日調玉燭侵奪今乃爾吾
將問亭毒誰哉秉鈞樞誰哉職檢督擅命必
誅孥亂行宜戮僕不戢強者縱忍見弱者辱
況當發生時品彙各有欲陽和德不布萬象
皆侷促何當掃昏瞶烜赫吐晴旭慰此下上
心動植紛采縛螻蟻抱區區天其聽忠告

過張秋觀河決寄呈都憲劉公

此地昔河決隄防賴前人長岡鎮巨石舊績
儼猶新如何四十年浩劫復相循狂瀾從西
來萬馬悍不馴蛟龍失其馭橫奔隕雲津平
陸莽成川廬舍紛漂淪居者恒側足行旅皆
含顰水勢盡東驚北渠遂生塵簸蕩易顛墊
乾涸多遘迤況茲咽喉地帆檣劇魚鱗竇濛
入邦賦璆琳克國珍賁遷有賈客冠蓋維王
臣誰能不由此插翅登高旻湯湯日以熾其

害難具陳明明中丞公銜命出紫宸祗
事數月來亦旣艱且辛我觀肇功地嘆息久
逡巡憶昨在郎署獲侍風範親才名與德操
籍甚播朝紳職方繁劇司將材資選掄貴近
莫徼倖疏遠無沈湮籌邊不能寐徃徃夜達
晨魴魚頰其尾黽勉寧爲身素履固若此端
能濟今辰嗟我行畏途孤陋寡咨詢所見止
一隅未悉源委真渴想一叅謁庶聞清誨諄
因之出揣摩萬一裨經綸惜哉人事違微願

無由伸大賢建事業固宜殊等倫疏令支流
衆障使故道遵創始良獨難力憊手足皴暫
勞可久佚功積効乃臻行見滔天波安流歸
海濬上以報天子下以康斯民鴻勳諒不
刊永永垂千春

書懷

人皆病寂寞我獨畏捨攘人皆樂榮進我獨
思退藏豈曰慕高潔自審亦已詳才疎識不
達氣弱貌不揚十年白雲司默默隨班行逢

迎旣非性裁決又非長昨者遭大故一臥經
四霜禮制安敢過揣分甘荒涼春陽動海嶽
萬國朝明堂感激攬衣起翩然駕征航有懷
叫閭闔無物克珪璋況當太平日巖廊會明
良區區爝火微安裨白日光恒願得散地高
坐食太倉沈潛禮樂府蒐弋文史場觀今驗
臧否覽古酌興亡目力有餘暇和聲詠虞唐
天地大如許豈不容吾狂但恐願難遂微纏
仍相將平生塵外姿顧視眇八荒誰能坐束

縛終日心遑遑五湖好煙景吾其返畊桑

五月十一日晚坐納涼漫書

小樓闌闌中炎日如火熾偶茲西窓雨開襟
滌煩思晚色兼新涼隨風一時至須臾雨脚
收眼界益清媚九陌塵盡消城闕鬱蒼翠玉
河蒲葦森瓊島煙霞邃坐久漸昏黑片月忽
照地呼兒具杯酒涓滴輒已醉幽景方自適
外物皆可棄却笑南華仙猶爲漆園吏

登黃鶴樓呈藩臬諸君

冥冥積雨收脉脉斜日暮稜層攀井幹窈窕
入雲霧江闊春水生天空歸鴻度門泊巴西
船窓橫漢陽樹武昌古雄都登覽愜心素况
值輪奐新馮虛免危懼明明藩臬英高會四
美具旣罄文字歡餘論及民務暢情繁吹喧
卜夜華燈炷玉白羞嘉魚鴨綠泛清醑式歌
謫仙詩載誦禰衡賦塵襟一以洗悠然起遐
慕鸚鵡空能言黃鶴不可呼川原宛如昔茲
樓幾新故土風夫何如世事莽回互三戶人

烟稀百蠻溪山固凋敝仍曠遠威德在兼布
鄙人行役間豈意此良晤愧無璫瑶詞投贈
答深顧長揖謝諸公乘風卽前路

烹茶桐江舟中

寒碧淨澈底洒然怡我心乘船臨中流操瓢
汲其深野火爇筠桂芳茗烹璫琳俄頃發蟹
眼拍拍光耀金一酌洗煩慮再酌開靈襟但
覺俛仰間羅列萬象森舒嘯拚寒飈放歌激
商音四山正寂寂明月坐東岑

嚴瀨

迢迢富春水矯矯如游龍飛流三百里迴轉
千山峯駛瀨激澗潏澄淵醞醇醲層層碧玻
瓈搖蕩青芙蓉懷哉漢客星此地巢雲松垂
釣滄洲間一絲輕萬鐘清風洒寥廓千古仰
遺踪但恐歲月久羊裘已蒙茸公乎渺何許
誰與紉鍼縫徒倚日向夕嶺樹煙重重

馮公嶺

超然凌虛空獨立萬物表千山皆下風拱揖

百重迭殘雪積未消天寒更清曉危峯蒼顏
頽列嶂璫素縑毛落鶴翻松玉碎風動篠晴
暉蕩烟霏明麗徹幽眇衆妙俱在目一覽未
可了翠屏切雲際蛾眉抹天杪躋攀勢逾高
悄恍魂獨悄仰捫閭闔近俯挹寰宇小南越
襟帶閩東溟僅如沼蓬萊何處在翹首孤飛
鳥

送邵天衢之閩臺

宸居儼龍顏廷彥疑燕頤貫索玄象稀金商

白雲淡訟甄涇渭嚴案積朱墨黥誰今山澤
臞叨陪德輝覽與君初莫逆慰我獨漱餐行
騎聯鞿韁坐曹接茵毯氣凌千仞差興寄百
壺醕清冷分月團馥郁雜菖歎春林鳴鷓鴣
秋水出齒首駑轅賴驅策頑石費剗剗託交
蓬倚麻悟道離濟坎笑言忽睽離岐路紛輶
轆悠悠謝千歡促促集萬感誰謂殊乾坤終
然其肝膽才傑秉旌矛疎庸守鉛槧相逢凜
秋深話舊斜日暎東海生煙嵐西湖熟葭菼

停杯苦無恠抱袂還自惜甌江碧油鮮閩嶺
青黛黯地偏氣逾佳海晏波不撼重譯通梯
航三韓入延攬高旗飛玄熊大纛踞文墟仁
風嘘疲瘵威令倡勇敢成功早賜環回味快
嘗攬歸驂如過吾野菡萏玉糝

送劉世熙四川提刑

同心旣云妙同事良獨難同事非同心對面
隔峯巒况乎遊宦途泛梗逐驚湍偶然相遭
值誰能傾肺肝自吾入刑曹歲月燧屢鑽僚

友紛總總交際亦多端終然桃李花穠豔易
凋殘其間久要者闊若麟與鸞晚得劉氏子
其言真如蘭同舍更投分日夕頭團團揮汗
決吏事適興開吟壇臨危思共濟處暇無獨
歡君懷如月皎君才若鵬搏方寸絕町畦坦
然豁平寬置我春風中百慮皆清安況復在
鄉曲謂當終歲寒何言膠漆意忽作參商看
天子顧西蜀治水任能官屬者仍大旱岷峨
色枯乾清濁深激揚風俗徧覽觀授君使者

節加以獬豸冠受詔卽就道疾若秋風翰
輶車戒前路分違在朝餐聚首曾幾何竦息
憂思攢遠行合有贈愧乏青琅玕我聞秦李
冰千載名不刊今君往繼之濬流揚其瀾功
業幸相勉離別休重嘆青雲有後會遲子在
金臺

自青田至處州一百五十里溪行
萬山積翠中一道開漣漪稜層削瑤玉委曲
蟠蛟螭山勢折復旋水行亦隨之青銅淨無

塵可以鑑鬚眉深處千百尋泓泓徹朝曦百
恠悉在眼誰能遁毫釐然犀向牛渚都笑溫
郎癡時復亂石攢瀆薄陣馬馳崩雷殷坤軸
斜漢翻天垂砉然石門開幽洞窅難窺仰視
群峰頭一峯更瑰奇孱顏立霄漢狀若峩冠
綏三峽西瞿塘九曲東武夷名勝人浪傳疇
能過於斯扁舟三日行應接渾忘疲平生丘
壑饒取給良不貲真境未可謝尚有重來期

錦溪小瀑布

未觀大龍湫先試小瀑布飛注三四尋瀆薄
數百步聲兼雷電馳勢挾風濤怒寒潭下深
黑蛟龍想蟠互石壁虛翠重煙篁映霜樹急
湍流其間雜綵縈練素悠哉方外遊迥絕塵
鞅路移床近雪淙坐玩至日暮

訪魏孔淵方伯畱飲山亭賦贈

文墨厭鞿纏尋幽出江郭春事夫何如新綠
暗林薄野曠天四垂突起訝峯嶸團團結丹
幢鬱鬱圍翠幙滿耳翻波濤松檜風萬壑行

行躋其巔睥睨但寥廓嵇山一拳多滄海僅
盈勺飛鳥去不還寒潮生復落參差町疇分
寂歷閭閻託東越舊風煙于今頗蕭索主人
華陽巾爲我開草閣長髯霜華繁方瞳電光
爍遠致遺形骸深情付杯酌憶公昔當路秋
霄厲鵬鷲高才衆所忌戢羽隨燕雀蹉跎歲
云晚勲業夢已昨自從挂冠來園居有餘樂
藏書一萬卷諸子得耕穫虛涼聽雨篷矍鑠
穿雲僑真酬佚老計猶耿匡時略接談無雜

言國事及民瘼感慨氣填膺煙颺共揮霍嗚
呼廟堂心江湖豈忘却乃知慷慨士舉世堪
一喙我懷亦翫麟塵鞅無處著得公霏屑餘
豁如啓肩鑰會心不能留正坐微名縛日脚
隱平蕪暝色帶歸鵲擾驅巾車低頭愧猿鶴
書懷二首

中堂有珍饈氣味甘且清蒼蠅與蚊蚋駢集
成忿爭穢狀不忍見避之去南榮解衣坐盤
礴稍覺心和平煩炎何由洗會待秋風生

廿年京華嗚嗚奔走何草草訟庭厭敲朴官署
嚴酉卯幽恤依何由宣素節聊自保誰能問遷
次漸覺成瘳倒好文異顏駟祀竈同孫寶老
看世態熟拙畏名途擾終然拂衣去高臥青
霞島

中秋夜用張天方韻

小苑暗深綠芳塘浮淺紅歌喉竹石外樽酒
荷葉中浮沉遂物性疏鑿由天工洞庭遠勢
合笠澤清流通高懷縱野逸嘉運逢亨豐乾

坤自有始歲月成長終窈窕藥珠斂崔嵬廣

寒宮飛蚤夏夜短過眼春花空生若夢寐

大塊真穹窿蒐奇物有象妙暗天無功浮埃

恣擺脫古道深磨礪瀟灑考槃意淹留芳注

叢把酒對遠岫彈鋏看歸鴻詩社得瘦沈省

曹憐老馮開徑得求仲投轄非孟公微風拂

細細疎雨飛濛濛寒露凋宿草涼飈起飄蓬

塵間興未已木末青無窮歌呼激水月調笑

喧兒童踈狂任起伏爛醉迷西東玄圃列海

錯扶桑挂天弓，果息暑眇眇醇酎。春融融松
篁素志潔葵藿，丹心忠朝陽鳳兮。鳳振羽螽
斯螽，今宵與何限長劍倚崆峒。

送行分韻得左字

三年栢臺居清風，滿江左名高超。遷速又鼓
瀟湘柁，此去甦民憂。誰哉警予情，北風西湖
波十里碧。淡沲芳草復連天，別意當耐可南
望祝融峯。迢迢暮雲鎖。

送行分韻得轄字

綱紀陳宏規，米鹽畧小察。瑩然方寸間，冰玉
紛相戛。輿論共推崇，斧扆親簡拔。荆湖古
雄藩，煩公枉車轄。卽看公孤三遠，紹元凱八
鴻鴈方高飛，何由附書札。

代內江蕭雲漢送行得位字

千載一考亭，世美未云墜。先生沂其流，直指
淵源地。經綸應時須，涵養超物累。平生事業
遠，豈曰名與位。聖明重儒術，帝賚得國
器。調鼎方登庸，咨岳聊小試。盛名古難居，遭

逢豈云易願保冰蘖心永贊 唐虞治

代新安洪僉憲送行分得字

霜臺嚴寒中光風動春色自公退食時群僚
行公側高談如懸河析理入聖域湛然玉壺
清繩若朱絃直俄頃遷崇階欲附無羽翼使
我方寸間縱橫長荆棘睽違心拳拳何以酬
厚德臨岐勸加餐愚者有一得

半江趙先生文集卷之二

半江趙先生文集卷之三

七言古詩

題蘆溝曉月圖

銀河半落長庚明城南萬戶皆雞聲長橋臥
波鰲背聳上有車馬蕭蕭行蒼煙淡接平蕪
迥沙際朦朧見人影舉頭一望天宇高殘月
蒼蒼在西嶺

賦得漠漠停雲送王存敬勘事山東

重雲遶城濕不行城頭車馬蕭蕭鳴誰知席

上今晨事已動天涯明日情明日之情定何
似與君相望應千里路阻幽燕岑寂時山連
齊魯蒼茫裏我看雲在君行邊君亦看雲在
我前洗冤願作隨車雨搔首共歌懷友篇此
情無端不可數人生豈異浮萍聚臨分一斗
強開顏猶勝春醪愁獨撫

追和楊鐵崖先生花游曲

湖波漂渺湖煙濛錦帆繡纜牽迴風眼中天
地玉壺裏細雨遙添鴨頭水石壁晴開小洞

門草露欲濕瀟湘裙故宮麀廊響微步舉酒
試酌青苔墓行行采香何處來碧桃花薦紅
霞杯渴思灌頂團龍碗更向禪林叅玉板高
歌緩舞湖東西意興所至皆新題鐵笛道人
花鳥使群仙坐遠華筵肆雲山潑墨江染牋
道人賦就陽春篇

雙松圖爲洪宣之郎中賦

高堂素壁開秋風四坐涼冷天濛濛嗒然隱
几忽驚覺明月夜挂徂徠東徂徠石上雙髯

龍對立天矯爭長雄尾撩河漢接寥廓首觸
巖岫摧崆峒厓間隙地不可測定有靈湫藏
貝宮波濤未起雨未作浩浩雲氣橫曾中只
疑騰躍破梁柱雲電冥晦愁葉公

題畫竹寄張廷端

當時秣陵山水秋此君與我同遨遊奇芬逸
韻發瀟洒滌我塵滓祛煩憂一別天涯日月
永十載夢魂勞耿耿清風忽若來故人夜月
猶疑照疎影君家舊住茗之川我從薊闕歸

吳田其間相去亦幾許乃復不得相周旋今
晨對此心悠然便擬命棹山陰船閒呼籜龍
叅玉板掃雪煮茗終殘年

遊陽羨善權山洞

羊腸十里行崔嵬雲梯挿天飛鳥回稜層歷
盡得傾洞渠渠厦屋山之隈坤維地軸獻形
勝此境豈由人力開窈門千尋足煙霧繡壁
萬古畱莓苔粟生毛孔峭寒襲膏潤衣裳空
翠來其中深遠不可極人云有路通蓬萊一

柱高擎直如砥，杞國不復憂天。摧神局鬼鑰，幽且暗欲入，不得心徘徊。翻身下瞰，轉佳絕。變態異狀，紛難裁。何年公輸操斧，鑿鑿出巖穴。成樓臺，攀枯挂滑，仄雙足力倦，未覺心神。灰屋漏如珠，四時滴澗。泉界道流縈迴，堂均琮瑋。響浮磬石，罅瀆激轟晴雷。仙人古榻可盤礴，解襟顧景，傾餘杯。平生愛山真骨髓，頻年世路嬰塵埃。茲遊信矣，愜所願，况復良友相追陪。登臨未已，日云暮，百鳥歸樹，玄猿哀。

青鞋布襪，難再得物役擾擾，何爲哉。

題洞庭興福寺圖

太湖波濤深浩浩，映空但見娥眉掃。不有玉堂詩畫傳，爭識洞庭泉石好。老禪蘭若山之，中面勢直與湖爭。雄秋高月浸廣寒殿，海曙日出蓬萊宮。千林橘柚包篚入，百落雞犬閭閻通。若耶雲門不足數，鷲峯鹿苑將無同。愧我平生寡遊矚，此境不到寧非俗。會當破浪乘長風，一上層巔快雙目。

李時顯家藏墨竹

雪灘先生食無肉如何更可君無竹隙地堂
前半畝餘白石青松結林屋胡牀坐我何酒
然只欠瀟瀟兩竿綠回頭舉目一撫掌此君
乃在高堂上檀藥節操冰玉姿固是君家丈
人行置之中坐無不宜相看如友復如師知
君進德殊未已他日鳳凰呈羽儀

送申明之

雪灘芹藻虹橋柳髻年舊遊君記否族黨相

親亦有自我曾老姑若祖母京華塵土多流
年故國雲山謾回首何言此日見顏色驚定
歡生欲狂走寒暄首訪尊翁嫗起居徧及餘
姻友側聞吾祖逾徙強不覺喜抃額在手長
安日晚炎埃消灑掃茅堂進杯酒夜宿不辭
蕭葦澈早食轉覺瓜菜厚嗟哉此歡不可恃
忽復征車鳴四牡白雲浩浩雨浪浪掩涕城
郭立良久南雍清秋鳴鴈前東湖殘暑芟荷
後高堂語次如道及薄宦僅免官司咎

夷然子贈盛用敬

夷然子心地平如五湖水波瀾不作風不生
一望瀟瀟幾千里又如九達康莊衢如砥如
矢無崎嶇輕塵香逼軟紅土車騎交流閑且
都豈若瞿唐峽亂石激流刀劍揮又豈若羊
腸山磽确車輪日傾壓險於山川者人心此
道在古猶在今先生方尊乃如此超出尋常
吁可欽鄙我與君殊莫逆每一見君三嘆息
胸中瀕洞有含弘眼底均平無揀擇何曾月

且評臧否豈用藩籬限疆域門開小市倚吳
淞參苓芝朮生香風活人一念不圖報蘇井
董休吾道同閒時閉肆讀孔老從之游者多
豪雄圖書在右琴在左花枝滿庭賓滿坐是
非榮辱兩相忘謔浪詼諧無不可安能失脚
落名場安能與物爭毫芒五欲銷鎔百骸順
此身已入無何鄉先生此樂真誰匹我欲從
君傳要術先生大笑了不聞雲影天光遶蘭
室

畫松

徂徠之陽有高樹鱗甲直上蒼龍怒排空撼
日四望俱青蓋重重不知數當時尋丈起枝
葉坐見江山滿煙霧桃李朱顏幾變更而此
風神宛如故蟠根不動棲禽安洪濤騰聲
子懼幹旋造化通神靈飽歷冰霜見貞固天
生大材非偶然蹇蹇遲留豈云暮我欲從之
成遠遊日短山深幾迷路如今恍惚君高堂
收歛天涯在跬步四窓洞啓秋夜涼萬壑千

巖遠相赴側身睥睨不可極毛骨淒涼眼生
怖徂徠舊跡杳難攀見此猶能愜情素他年
雷電應取將天上君看五雲聚

陸郎畫梅歌

陸郎標格何灑然獨立冰雪之寒天前身恐
是羅浮仙抽毫捲墨驅風煙倏忽玉樹生銀
戩千花萬花簇如織十枝五枝斜復直
高人鐵石腸傾城豔女瓊瑤色有時痛飲金
屈卮林壑盡作紅霞姿嗟哉陸郎真恠奇游

戲丹青能爾為日日臨池不暇懶家家屏障
揮應滿我今欲贈隴頭人煩君為折江南春
鵝溪百幅光且新小窓閒寂無纖塵元章逝
矣德元老非君誰與梅傳神

沈石田雜花園為汝濟商作

迴欄窈窕風光暖深院逶迤貯春滿紅紅白
白紫復黃四時奇花開不斷初見朱櫻綺繡
團忽看芍藥臙脂浣石菊英輸屈子餐山茶
味賽盧仝盞雨細丁香百結繁日遲楊柳三

眠懶玲瓏翠鈿橫玉簪錯落銀臺對金瓊醉
後揚妃汗臉流舞回萼綠酥胸袒凌霄寄生
芳意崇宜男含笑憂心緩茶蘼織成宮錦裙
葡萄擎出珍珠傘棘叢木槿作藩籬燕麥兔
葵分町疇太湖之石高若何露出梧桐三尺
短最愛天桃倚脩竹姜女覓得幽人伴可無
響屧步遲遲定有蜻蜓飛款款嬌姿絕豔一
萬重搖蕩瑣窓醒睡眼嗟哉丹青真有神直
與化工同運翰近來此道能者誰石田老翁

揮兔琯此翁風韻傾吳門不獨豪華亦蕭散
作此持贈南安君重比隋侯兼屈產南安昨
夜骨已仙此物人間誰主管郎君好事逾愛
惜什襲寶藏加組纂知我寂寥相示觀欲便
奪之顏更赧乘閒轉玩聊戲書莫恠語言多
謾譚

王天祐家藏墨竹歌

書林鬱鬱清江濱坐收千畝真封君一從稚
齒有成立頭角斬斬看超群滋培息養日旣

久但覺滿地皆芳芬冰霜寒挺檀藥質煙霧
晴披紫翠文膝前有此舞龍子宜春錦綉裁
五紋祥風甘露孕佳氣日日三沐兼三熏中
間一枝最奇絕閭闔琅玕新策勲其餘數竿
並瀟洒斑衣舞綵開氤氳俯視諸孫復如玉
淇澳道學深鉏耨翔鸞翥鳳衆目覩鏗金戛
石千人聞此君巍然獨中處笑待奎壁頌
皇墳靈根仙筭老益壯百卉榮悴何紛紛平
生操履高且潔晴天傲踞窮朝曛延光垂蔭

總賢胤曾玄下逮昆仍雲祖孫一節世相保
不以繁衍生離分庭連三槐有夙契座覆青
氈無俗氛此君閶闔高如許竇桂田荆何足
云

開河行 魯橋道中阻舟作

河濟交流徐充間漕渠千里開潺湲地高湍
急易枯涸所賴人力能防閑崔嵬石牌四十
八分據要害何斑斑恍如龍宮出高關鍵鑰
幽秘門重櫺又如羅帶拖遠碧鎮以玉玦兼

連環想當疏鑿僞工日駿奔六甲驅僂般春
撞澎湃劇巫峽層疊險阨逾秦關蓄而不洩
遂彌滿一決剗然雷劈山晴空噴霧關虬怒
峻坂脫銜驚馬頑萬方臣庶朝宗地檣烏舫
鷁爭飛艤 國家經畧固若此宏規遠勢維
人寰豈獨中華獲康濟道通九夷并八蠻却
憶前朝事海運生靈魚鼈堪恫瘝乃知神功
美且大垂範百代誰能刪我昔經行凡幾度
目擊形勝歡心顏今來適值春二月雨澤未

霈源泉壑舟膠沮洳不可進平地有若昇天
艱篙師水工奮死力力竭分寸難躋攀後前
啓閉得要領始克沿泝凌瀟灑明朝越此風
水順天路直指城南灣
錢世恒僉憲將出巡有詩見寄次韻送
少陽投我珠玉篇燁如雲錦張高筵午窓幽
夢遶江煙驚回蝴蝶心遽然眇眼拂拭花娟
娟少陽才名漢鮑宣行將促駕巡三邊平生

不作榱與椽直立梁棟明堂前樊籠桎梏非
高賢君戴法冠仍散仙與我莫逆渾忘年逸
興磅礴霜臺顛朱幡繡轂錦連乾旌節紛紛
相後先觸邪神身正當權扶植惇獨艾刀誡
巡行到處民安便早勒馬首歸朝天

送顧自脩歸吳

飛霜夜滿長安陌家在江南身薊北青燈讀
罷寒未眠坐感流光三嘆息千林木落正蕭
森四壁蟲聲轉淒惻少年立志輕遠遊幾歲

京華從旅食樸斲初成架壑材扶搖會展圖
南翼文史熏陶心骨醉才名卓犖公卿識晨
興束裝辭我行言逐征鴻下鄉國從師學道
真吾事奈此斑衣紛五色西臺有客苦思歸
羨君欲歸歸便得乃知蕭散卽神仙翻笑樊
籠是官職瑟瑟兼葭笠澤濱纍纍橘柚包山
側隣里過從意有餘晨昏甘旨情何極會合
懸知瘦骨肥睽離未敞貂裘黑爲報中閨莫
斷機天上風雲已相逼

觀蕭凌漢所藏東坡題識文湖州墨竹

霜縑閱世五百年鵝黃半落浮殘煙光搖翡翠
翠秋娟媚怒蛟蹶張虬盤旋漠漠遠水連長
天錯刀剪玉聲戛然誰哉置我冰崖巔纖肌
發粟思重綿又如犀燭下深淵百恠魍魎紛
媼妍唇舌談舔流黃涎諦觀墨妙玄之玄坡
翁老耳骨已仙何事突兀死叅吾前高風逸韻
橫八埏欲攀其髯手孛拳昨夢明月生西川

畫獅子二首

天郊細草平如剪十二瑤階春色淺稜層毛
骨何壯哉來自康居西極遠此物超然百獸
雄肉視犀象孩羆熊流睛星輝激白日噫氣
雷吼生長風圉人羈縶紫雲錦緩視安眠食
還飲雖然遊息霽威嚴萬壑千林皆凜凜
聖明當御玉燭新殊方異類歸陶鈞披圖再
拜仰清化願同麟趾歌 皇仁

春風裊裊吹花柳西海番奴帛纏首手引後
猊過上楊兩耳鬚鬢尾如帚豁訝巨口石巖

開蹴踏飛毬玉珠走憶昔早朝 紫宸殿百
蠻重譯爭來獻綵絲纓絡玉丁東牽過赤墀
雲日絢侍臣曉辭 香案前海邦驚見新圖
懸山精膽落魍魎泣秋霜颯颯飛青天我看
人傑亦如此鳳驥由來比君子

海天秋月吟爲林舜舉作

夜騎黃鶴三山上邂逅仙君共幽賞何處飛
來大圓鏡照耀十洲皆是朗貝宮蛟室沈香
茫玉殿瑤樓萃森爽金波眩眼搖空明霓裳

度曲縈清響煙霏消盡天宇高一碧了不藏
纖毫恍如然犀窮百恠便擬垂綸起六鰲光
凝顧兔玄霜曰冷沁馮夷白錦袍凜然肌骨
不可奈襲人風露銛如刀覺來身在霜臺頂
坐中惟有林和靖相看一笑據胡牀南北兩
峯秋萬頃

沈石田畫古樹爲陸全卿題

煮石詩翁極瀟洒瘦骨都來無一把豈如噉
肉富家兒腰大十圍腹垂髻如何感興託老

樹蠢爾麤頑自模寫得非與物爲玩戲似欲
令人眩真假此樹閱世三千年元化爐中久
陶冶昌黎石鼎脹膨脗彌勒布袋納土苴一
股槎牙忽旁出怒虬橫撐折其踝雖然恠狀
不可名別有風神秀而野扶疎萬葉競華腴
露浣雲蒸如渥赭亭亭物外立孤高世上紅
塵邴得惹嗟翁自況或如此意略近之猶未
也荒樗擁腫天所全繫匏瓠落人應捨不死
不用長在世翁語豈是悠悠者甫里客有天

隨風家藏毫素多古雅對此更覺心神融直
欲乘涼坐其下達人觀物不以形牝牡驪黃
非相馬南柯一夢古今迷此樹此翁知者寡

贈別周道立侍御

青驄玉廌朝建章道經東剡如桐鄉鄉人驚
聞達官至群吏走迓兒童藏火輪三伏正煩
暑恠底滿地飛秋霜林間垂白二三老叟擔
屏息官道旁仰見鬚眉啞然笑乃我父母何
搶攘傳報歡呼競趨拜但見冠佩殊尋常當

年三尺重欽恤此日九天司激揚郊原魚鳥
亦喜躍郡治草木皆輝煌紛紛擁馬入城郭
蓬萊新館薰風涼自公之去幾寒暑民懷惠
愛江流長不圖復得望旌節願公少住無匆
忙崇山峻嶺舊遊處茂林修竹延清光燕寢
猶懷陪畫戟訟庭更覺多甘棠未了蘭亭文
字飲驪駒前引何踉蹌明堂柱石須公往畱
公無計空彷徨

藍文繡侍御東厓書屋次韻

膠東風土雄且清俯瞰滄海涵空明甯戚田
單有遺跡壯哉千古思豪英城東之厓最奇
秀岡巒島嶼紛前後城隅蕭蕭數椽屋中有
牙籤三萬軸倚厓面山觀大洋匝圃連林種
群玉問渠瀟洒是誰家奕世相傳一耕讀塔
除日暖科斗蟠梧竹枝高鳳凰宿自擬璠璣
蘊匱藏不取稊稗先秋熟青春學力在專工
子夜書聲時斷續果然獨步天衢雲三策臨
軒清問勤榜中淡墨灑宸翰柱後高冠簪

惠文趨朝劍佩承爐芬彈壓百司涇渭分黃
鐘大鏞萬鈞重耒耨自致明堂用更有新籬
覽德輝馳驟駉駉驅織離煙樓一躍不可制
嶄然頭角看權奇可是箕裘君獨異育俊儲
賢須勝地大勞小勞高挿天翠嶺真爲岱宗
貳回視諸山等丘垤俛首爭趨下風避虛危
分野近中台浩浩鯨波天際來曉望扶桑迓
羲馭紫雲深處是蓬萊

括蒼溪上

碧山故迭清溪斜數峯
拔起何槎牙千尋夏
出霄漢上林巒煙霧
相交加矯如栽冠立
魏闕媚若高髻簪春
花照影青天開寶鏡
揮戈落日停雲車乘
風我欲撫其頂一笑
翩然凌紫霞

沈石田百鴨圖

桺塘流水春沄沄誰
放百頭花鴨群石田
老翁真好戲點染霜
毫成錦雲錦雲歷亂
不可數飲啄浮沈散
還聚白瑩翻令鷗鷺
猜絲鮮

更被鴛鴦妬菰蒲劍
芽一尺強水香煙暖
任回翔正憐身上無
泥滓安用人間覓稻
梁洞庭之波連笠澤
深淥晴搖漢江色甫
里先生得意時自挈
雕闌引文翼我家恰
與天隨隣慣見毳毼
弄碧鄰就中亦有能
言者不取橐金驚使
人

水底石

水底石如蟠龍晴光
下燭鬢鬣紅三十六
鱗玉玲瓏頭角露矯
以雄魚鰕遠迹蛟鱷
從坐

疑玻璃萬頃碧下有馮夷窈窕之幽宮胡不
乘雲奮蒼穹散作霖雨蘇疲癯胡爲雙屈汗
泥中諦觀良久乃非是回撓鼓柁層瀾起尚
覺蜿蜒掉雙尾嗚呼世間形似多類此萬物
變幻卽可紀一笑回頭暮山紫
蕭憲副公藏都憲史公墨竹天韻
中臺大夫冰霜操坐擁高牙擎大燾外臺使
君鐵石腸直指憑陵勝之
海內誰同
心傾蓋握手千黃金忘年忘形更忘世盪胸

萬頃秋森森大夫平生直如矢曾伏青蒲諫
天子長鎗大劔驅胡塵兼用毛錐掃雲水乘
閒翹首立三台却憶望之懷抱開臨池揮翰
畫黯慘颯颯上林春雨來耳邊靜聽聲翩翩
一幅湘縑數竿玉須臾化作九苞鳳飛下西
湖栢臺曲使君得此心神融空堂素壁生長
風恍如嶰谷伶倫管吹傍秦樓明月中使君
使君美無匹不獨檀藥亦清逸嚴凝寒氣挾
晨霜瀟洒綠陰籠旭日閭闔蕩蕩天宇澄九

奏萬舞簫韶鳴忽驚雷電破山起地下籜龍
新脫綳君家畫竹稱絕妙君雖不畫情所好
虚心勁節歲寒姿君耶竹耶本同調我爲君
歌脩竹篇瓦缶擊碎琅玕前起來一笑出門
去但見滿地橫湘煙

題張憲副畫

留侯結廬在清溪山巒回復林麓迷岱宗梁
父蓬萊西下瞰碧海桑田低石磴窈窕雲爲
梯洞門曉日鳴天雞叅同遺經手自批八卦

彖象窮端倪杖頭熒熒照青藜鉛丹滴露研
刀圭碧窓兀兀歲屢齋一朝乘雲登金闕風
煙超忽騰霜蹄星槎渡漢貫宸奎回望舊宮
隔青齊秋鶴夜唳春猿啼昔也躡屩今執圭
赤松仙人相招携公胡不歸草萋萋公方濟
時作雲霓頭顱未白面未黎蒼生未許公幽
棲

鳳鳴朝陽篇爲劉希範賦

崑崙昔從女媧鍊赫赫炎颯掣飛電砂兼火

齊築霞城瀑作天紳垂絳練其間一竅似仇
池萬里空同連楚甸南通衡嶽上祝融北引
崧高分漢汴儲精蘊秀何輪菌乾鑰坤扃人
罕見一朝孕出神物來皎若飛仙九苞絢虞
陛會因韶舞儀岐山端爲文明現河東題品
浪得名潁川治効徒虛銜善感歲蕤直孔翠
超宗瑣尾猶鶯燕方今玉燭調時雍瑞應禎
符滿畿縣就中此物超四靈百鳥喧啾誰敢
先問君何處托巢居高岡嵯峨碧梧舊七襄

雲錦裁裳衣五色璫瑛製冠弁竹實芬芳閑
不啄甘露冲融纔小嚙大塊澄明渤澥平曙
拂搏桑赤鳥昇晃朗八極窮崖垠驤騰六龍
齊鞞轡此鳥爲之心躍然直上穹窿立東面
引吭矯首試一鳴似與羲和有深眷鷓雛三
四膝下生羽襍霓繡映丹茜含宮嚼徵名郢
中邃古雲門寧獨擅清都廣樂世不聞瓦缶
黃鐘久迷眩吾儕何幸聽希聲白頭稚齒皆
忻忭頓令寒谷和氣蒸頓覺枯荻生意轉幹

旋元化在須臾始信天衢有郵傳惠風鼓舞
時雨零卿雲昭回景星炫曜靈當馭倍光華
蕩蕩春臺寰宇徧神物由來不易逢我欲縶
維聊綰繆飄然振翮凌青冥蕭爽誰能受羈
胃行驂暫駐羅浮墟弭節還陪瑤水宴德輝
千仞如可攀去去同翔 紫宸殿

贈李茂卿

君昔辭官返南國我有商歌助行色勸君永
絕塵世緣欲君遂老煙霞域今朝楚水又逢

君愛君蕭爽超人群書屋遙臨洞庭野釣竿
欲拂湘山雲試將寸莛扣孤響經綸萬化如
指掌幽恠犀然牛渚中高明月照瓊臺上乃
知靜養非徒然所到殆欲無前賢方今 聖
明急良弼允生豈得長高眠君不見漢武侯
南陽龍臥日悠悠一朝崛起答三顧功名萬
古岷江流又不見傳巖翁白頭版築思長終
形容夜入諒闇夢鹽梅舟楫熙王風古來豪
傑皆如此索居寂寞非高士我本疎狂厭事

人當時贈言嗟過矣請君乘雲狝天門早出
所有酬皇恩君民堯舜真事業北山移文
何足論

題墨竹贈洪克毅

西湖水碧無纖埃上有千仞凌雲臺蕭然獨
立者誰子但覺滿地清風來此子平生抱貞
幹與世遠條若冰炭攬結煙霞氣鬱森動搖
星斗光零亂我從之遊如倚麻胸中空洞春
無涯淇澳切磋出道義伶倫律呂消淫哇我

欲貢之玉堂署直節虚心奉

明主燮理功

成七政齊萬歲鈞天樂韶舞

翠西山霽雪次馮佩之韻

晴天積雪橫西山遠疑白髮生蒼顏峯巒引
興若嗜酒官府限人如閉關便欲乘風掉頭
去又作訪戴中途還良時易失不易得勝境
可望不可攀胡爲辰入復酉出政坐雨齋兼
風慳人生自古行樂耳塵事擾擾何時間

余別杭之廣林舜舉持其鄉人武昌陳

守所贈楚江圖爲賦長句

秋江瀰瀰秋山晚林麓清虛水平遠林端孤
鷺下寒汀樹杪殘陽畱疊巘撲地閭閻十萬
家家家籬落生煙花門泊商船不知數歷亂
危檣樓暮鴉初疑新林浦乃是瀟湘渚黃鶴
樓中鐵笛風瓦棺閣上疎鐘雨人煙盡處天
宇開登高極目令心哀悠悠遠海征帆去漠
漠長空飛鳥迴五湖波浪渺三楚星辰杳子
規夜啼斑竹林巴陵古道行人少希夷仙人

客武昌三年苦憶同袍郎揮觚乘興掃煙景
洞庭萬頃歸毫芒披圖淒然動離緒良工苦
心非浪許天涯聚散古今同停雲縹緲重延
佇

閻門葉氏來清樓

靈巖獅子雲屏翠天平遠卓丹青筆下瞰太
湖如玉盤倒景晴涵半樓日十里閻門錦繡
開雖然佳麗多塵埃誰知自有高閭處朝暮
八窓空翠來

贈殊勝菴閩海上人

十里石湖披畫圖中有蘭若林巒殊上人奈
寒斲冰雪手種梅花千萬株開時春風滿山
閣老僧與花雙寂寞閑將禪意問花神何事
年年開復落

梅花莊

吳淞西郭幽深處中有梅花三萬樹放翁孫
子懷橘郎自結茅菴對花住餐霞齧雪肌骨
清含香弄影殊風情忽然花神入肺腑揮霍

欬唾皆瓊英有時胭脂點宮額有時水墨和
雲黑羅浮美人空悵然姑射仙姿奪顏色從
今不作東閣吟亦不願看西湖林縱橫四壁
堆冰玉開軒一賞清須襟

題林舜舉群駿圖

真龍豈是人間物遶古奇蹤久衰歇八駿難
追瑤水駕千金空市燕臺骨林侯本是逋仙
倫嗜好偶同支上人每恨飛黃未可得故向
絹素求其真家藏大宛十二匹生意居然欲

奔逸開圖初見松雪翁驥子繼之襟韻同月
山道人復瀟灑驪黃十疋垆之野精神風生
蹄踏鐵駿騃超毋駒汗血曹霸韓幹皆妙絕
何用毫端較優劣林侯愛此非偶然馬中之
駿人之賢日行千里今儻有要試王良伯樂
前

題徐子仁花竹寒石圖

蕭齋五夏煩暑清有客盤礴臨南榮薰風吹
面醒宿醒丹青落手雲煙生倏然冰雪四坐

橫條條靜聽疑有聲錯刀剪水搖空明仙子
羅鞵凌波輕玉顏一笑傾人城此君對之如
有情疎影零亂寒香縈湖石千仞開雲屏別
有碧葉披紅英曉來鉛粉初粧成含雲浣露
何盈盈恍如西子醉舞觥瑤臺十二倚娉婷
筆精墨妙吁可驚問渠爲誰吳徐卿

烏箋畫泥金蘭竹甚清麗走筆戲題一

首

春光冥冥何處所不是青田是玄圃又疑西

洛石家園異草名花紛可數就中芳友兼此
君二妙並秀超凡群雲濡露浣風日曝有似
三沐并三薰肌骨清冷色相改滿地黃金耀
朝彩幻身恐從禪悟來靈丹更有仙風在憶
昨夢遶衡臯煙湘如楚客行翩翩恍然一笑
失形影但見片月流長川

葡萄圖

松滋融液流素練兔穎着露寒芒鋸道人盤
礴倚虛幌四坐涼氣森秋巖玻璃瓊層層雲萬

朶馬乳的皪珠千顆午陰漏日紛陸離玉斡
盤空何磔硤黑甜醒來餘宿醒夏簟如火臨
南榮徑思袒跣臥其下一嚼冰雪煩炎清奇
芬秀色看不足更愛靈漿映杯綠移植曾隨
大宛使釀成不博涼州牧對此令人憶故林
高架側倒松筠深閉門避暑無塵事風月蕭
蕭供醉吟

畫牡丹

闌風玄圃煙霞域十二闌干貯春色中有佳

人絕代姿不獨傾城亦傾國
淡白深黃間淺紅
仙方頃刻天無工
葡萄醉時吸甘露
翠幕深處生香風
曉來睡起嬌猶嫩
玉肌凝脂雲不縮
海棠已過紅藥遲
欲鬪年華誰作伴
我聞上界異人寰
四時芳意無凋殘
懸知不入牛酥炙
長得高堂把酒看

僧房叢竹次韻

未識本來真面目
滿前空色紛相逐
閑花浪蕙皆幻相
膩綠殷紅總麤俗
脩然此君何自

來正與幽人共
心曲涼陰聊憑夜
月傳碧滋爲借輕
煙沐趨陪禪座袖
爲衣汎掃衡門塵
滿拈聲曼瓊琳寶
殿隈翎分翡翠清
江澳初聞飛錫過
雲門忽訝騰蛟破
茅屋丹穴深藏小
鳳巢雕闌暖護童
牛牯盈盈秋水浸
長天業業高牙橫
大纛軒墀浮動日
離離金鐵鏘鳴風
撼撼一寸靈襟直
更虛三冬勁節寒
仍綠方丈高閑閱
世長人間名利熏
人燠經翻寶藏正
開壇法演真乘初
置局定慧懸知萬

竅通操持不受群魔觸泉石山中心事幽松
梅雪後交期篤對此何須食肉肥飲水食霞
吾亦足主人自是支遁流擬脫升沉與榮辱
從今休暇日相過趺坐蒲團看庭玉

題禾黍鷓鴣圖

江鄉九月秋始成西疇南畝黃雲橫畦間小
鳥何爲者羽毛黧黑喙爪頰奔奔已入詩人
詠巧鬪還諧樂府聲此時棲息何得所俯啄
仰視無憂驚鷹隼不來羅網遠金風未寒天

宇清翼下雙雛日以長時復雄牝相和鳴鳴
呼微物有天性物各遂性吾心平披圖不語
三嘆息始悟山梁關聖情

新韭和吳汝礪韻

水曹散吏饒風神閉戶飽識京華春五陵年
少安足數姑射仙人差可倫未上瓊山拾瑤
草臙腥苦厭高筵陳食前無處下雙筋誰哉
枉擲金千斤長安老圃類天宅內園湯水先
分得十月冰霜鐵爲土辛芽已長琅玕色長

鏡斲玉謝園丁小鼎烹鮮慰仙客猶勝先生
首宿盤不上腐儒三九席承筐曉扣重門來
草堂雪後松風哀水曹一嚼毛骨爽忽若跨
鶴登蓬萊几蔬野蕪總却去葱鬱翠莖當坐
開俗塵浣盡動高興不覺舉白如淋灰酒酣
百感尊前發寸草雖微君不忽長歌逸唱聲
入雲流雲宛轉空中歇君不見郢中白雪昔
寡二爲君三嘆揮清淚

和幼真少叅春日書懷

西江父老歌且懼每見使君陳治安骨體曾
批逆鱗怒陽春會掃陰厓寒殿屎只今待哺
急卓犖自古逢時難調元贊化鼎鼐手名藩
少住願心寬

代義陽胡瀛送行得舊字

煙花滿地香風透西湖堤上春如繡旌旗拂
樹倚高峯簫鼓遏雲喧白晝衡湘士庶方仰
韓吳越閭閻思借寇往時三戶近何如試向
襄陽問耆舊

松陽道中 庚申十月十日

翠微漸稀紅葉濃
虬蟠磴道山重重
耙耨纏株列露積
輓轡激水轟機
春日斜初下隴頭
牧路轉忽聞林外鐘
前驅逢人不須喝
上有野鶴巢雲松

半江趙先生文集卷之三

半江趙先生文集卷之四

五言律詩

樂山亭二首

梅林霽雪

雪色瑤瑤白梅花剪鶴翎
由來同氣味相襲
倍芳馨月落林先曙
天寒酒未醒誰家羌笛
奏人在樂山亭

茗畹先春

小畹含生意蒙茸茁細芽
一年初破臘百草

未開花旋採萼筐籠先嘗潤齒牙龍團何足
羨真味在山家

送周原已之南京太醫院判二首

十載京華客天涯感額頻秋雲空佇望李表
未重陳升斗嗟何物晨昏負此身喜聞南院
命情事一朝伸

疋馬之官去江南正小春班生乘傳日毛義
捧書辰黃氣眉間動青雲足下新禁方能却
老持獻白頭親

與王存敬省中晏坐次唐人韻

閒中日更永轉覺散衙遲睡避鳥鳴處起逢
茶熟時相從無主客欲去有籬籬因作論詩
會出門翻過期

過君謙夜坐分韻

避塵長獨臥臨夜一開窓城漏催鳴柝街燈
聚吠厖僦居頽壁四供爨野奴雙相過緣奇
字仍勞洗玉缸

題省中新軒次張司業過賈島幽居韻

渠眼穿堦石墻頭枕屋山方庭雖褊小寸地
不荒閒日永垂簾裏心清燕寢間坐看辭穴
蟻得食竟忘還

送仰晉卿僉事

山水三巴外煙雲萬里餘先驅霜滿路所至
雨隨車旌節存風紀班行撤禁廬因君問蜀
道難易近何如

散衙

黯然雲作雨俄頃已全收蟻陣當幽砌蛙聲

出暗溝暑嫌官省隘晚覺市人稠束帶仍驅
馬那能汗不流

夜飲楊質夫席上分韻得春字

清燕中庭晚涼颼雨後新露侵花肺腑林弄
月精神久坐殘官燭酣歌墮角巾瓮頭家釀
色猶是鑑湖春

新鴈

嘹唳徹清夜羈棲應未安江南秋瑟瑟塞上
月漫漫敢望稻梁足誰嗟雲水寒人間羅網

近更擬振脩翰

冬日對雨

北風送寒色
蕭瑟滿衣裳
雲重窓先暝
林深葉未黃
城烏飛歷亂
湖雨下微茫
此際那無酒
籬邊菊正芳

東昌道中阻水寄張時措

偏側行復止
客程何阻脩
狂飈收急雨
淺瀨閣輕舟
孤坐易成夢
放歌聊破愁
望君君不望
斜日暮悠悠

王允達中書輓詞二首

王忠文子克曾孫

重攬舊朝衣
春風出翠微
野情方自得
君命故難違
久佇廷紳望
俄將旅櫬歸
德人嗟有此
吾道是耶非

家學追關洛
時名出廟堂
食甘藜苜老
衣製芰荷涼
恬淡激貪鄙
精修勵怠荒
中心文有遺
廟端合配蒸嘗

南昌城下夜泊

片月流平瀨
孤煙沒遠汀
鳥棲城堞起
人醉

棹歌停山水滕王閣乾坤孺子亭
臨阻日暮幽興遶林垆

春雪大冶道中二首

百花猶未發滕六占春工
細剪雲間雨輕隨野外風
穿林如點綴到地忽消融
冰度寒帷望茫茫萬里同

莫道肩輿穩幽懷正鬱陶
征途泥濶漫飛雪畫蕭騷
裸跣寒仍濕坡坳下復高
王程吾敢懈念此僕夫勞

宿高良寺次壁間舊韻

偶覓山中宿因成方外遊
細泉鳴亂石清梵出層樓
竹月千巖暝松濤萬壑秋
青鞋好乘興王事敢遲留

剡溪

行役曾何補江山似有綠
雨餘天姥屐月下剡溪船
遊興塵勞外歸期日至前
乘流更風便飛鳥欲爭先

海寧道中

井疆歸浙壤風景入吳天樹樹煙藏柳村村
水遶田五湖春正遠百丈暮還牽好在憑熊
地不離家舍邊

自奉化至西店春意滿目驛亭桃李盛
開獨坐成詠

四山圍野色百鳥弄春聲繡幕連天闊紅茵
疊地平十分春已半一雨曉初晴對此徘徊
久東風惱客情

癸亥十月三日重過西店次舊韻

西風正搖落處處蟪蛄聲鳥逐巖花散雲連
海樹平山程淹薄暮譙鼓報新晴古壁留題
在重來無限情

杭臺四別

別僚友

晤語一堂上盍簪心不疑真成醇醪飲莫負
歲寒期懶性勞驅策高懷惜別離飛蓬道路
遠邂逅更何時

別書院

新營小書院輪奐樸無華已茂松篁蔭旋栽
桃李花牀堆千軸滿門對兩峯斜忽作天涯
別遲回如戀家

別寓舍小軒

斗大屋三間居諸多燕間琴尊春拍拍竹石
錦斑斑六載寄幽興一朝悽別顏由來傳舍
爾吾意亦何慳

別西湖

補外得佳麗西湖天下聞官銜兼吏隱煙景

異朝曠行遠六橋水臥看三竺雲系心方自
得何事復離群

和匏菴先生園成

拓地開茅寒脩然五畝園旋栽新竹樹還立
小亭軒沃壤含生意危墻見補痕尋詩雙屐
徧斜日下柴門

輓陸君

將仕更遲畱端爲菽水謀琴聲清瘴海棠蔭
滿蠻陬方展盤根牙難藏巨壑舟幽光憑太

史千古照松楸

排律

次韻答杜子開進士

慕蘭平生久逢程片語深已成三獻售還憶
九淵沈價許連城壁聲傳擲地金雲霄方獨
立塵土孰相侵寂寞文園意春容正始音詩
腸搜武庫病骨聳秋岑屢漫藏胸刺空餘問
字心政綠遭束縛曾是倦追尋吏牘紛填案
官程不解襟樗材徒自苦微祿故難任鷲翰
糾非鳳珉姿強廁琛遐情違呂駕薄識愧牙

琴投訝珠乘暗鳴憐鶴在陰砭頑逢善藥甦
旱得甘霖未悟齊輪斲虛勞晉帖臨徒來思
逐電高處欲捫參尚忝同倫社猶容托鄧林
斯文希麗澤餘事付清吟扣脛緣親壤移書
敢恨歆疎狂吾甚悔直諒子堪謀時序隨流
水羈懷集暮砧底須悲泛梗聊共盍華簪道
合膠投漆神孚石受針煩言酬逸調可否幸
相斟

送金明府

東越山川秀英華萃在茲家聲高閥閱國器
偉丰儀橋梓真同秀箕裘信有師韋經傳相
業董策射 皇墀鴈塔春光好瀛洲化日遲
長身松挺拔文采鳳歲蕤抱負深經濟風流
邁等夷渥洼收駉駉清廟立璣琪合作鹽梅
用堪居耳目司 宸衷圖化理天職廣疇咨
宰邑銜雖小親民任不卑鳴琴清吏治應宿
重官資暫撤金閨列遙持赤縣龜濟川凌浩
白船入境問瘡痍雞在牛刀割繩將駿足羈花

栽春院雨甍運曉齋曦和氣彌村巷歡聲載
路岐方閒晝日臥安事夜星披赫赫旬宣使
堂堂柱石姿鵷鸞辭 上國節鉞鎮南陲袞
職歸區畫奎章委便宜權衡定輕重水鑑別
妍媸長吏頻遭譴君侯獨受知薦書朝進
御荅詔夕頒詞任合因能授才須得地施遷
喬出鶯谷受代及瓜期廉叔歌來暮何公繫
去思烹鮮存要道製錦用成規新土人何幸
舊民家欲移福星臨耿耿時雨降瀟瀟雲水

松陵道菰蒲笠澤湄鄉都開萬落填缺列千
陂虹影仙橋偃湖光碧落垂漁船陳簪笠農
野播鋤鏹地出諸州下城臨九達途塗泥多
泥淖風俗寡澆漓國賦征輸重丁夫力役疲
民勞殊未已吏弊豈無之正爾人多瘼何堪
歲荐饑驕陽藏晃耀淫潦積泔濱巨浸吞平
陸狂飈決大堤竈沈虛蟻垤垣毀失雞埒到
處薪如桂誰家肉作糜無因救溝壑豈復憚
胼胝畚掬侵晨把桔槔終夜悲庶幾秋可望

竟致陸成泯餓莩紛狼籍生靈劇殿屎乾坤
同慘若聞見各淒其不有循良吏孰安顛沛
時省災深跋涉訪俗罄猷爲阡陌驅車及溪
渠撥棹歌丁寧詢父老簡便撤旂帷不受壺
漿獻奚煩僕馬隨問生心惜戚吊死涕漣漣
綱紀嚴三尺經營展四肢緩刑蠲力役胥禮
索神祇勤恤曾無倦精明莫敢欺井泉惟守
俸毫髮不容私瑩潔冰霜膽稜層鐵石脾堅
乎磨不磷白也涅難緇健令名何忝神君衆

所推發硯操匣劍脫穎試囊錐毛遂才無敵
庖丁藝絕奇剛腸羞骯骯直道厭嚙呢搏擊
鷹鷂迅懷柔雨露滋崇儒新學舍正俗毀淫
祠奸黠潛踪去權豪側目窺倉儲消鼠盜城
社靜狐狸底用行鉤距那能治繭絲身膺百
里命手援萬人危圍圉魚歸水依依毋哺兒
似寒承厚纘如病得良醫渴吻逢甘液枯荻
受暖吹間閭恩入骨道路口成碑唐邑鍾離
意魯山元紫芝中牟寧擅美單父正如斯旣

似西門猛還同子產慈承流宣 帝德保障
固邦基今歲陰陽順東吳民物孳方欣麥藹
藹再卜黍穠穠已拔塗泥出仍將衽席貽黎
元真有賴侯惠正無涯秩滿三年考囊無一
硯持雲端飛赤鳥門外儼青輜赫馬循芳草
揚帆破碧漪柳邊風細細花際日熙熙原野
饒桑棗城闐靜鼓旗客程春浩蕩天路遠逶
迤懷翮凌霄鶴丹心向日葵入關朝士賀登
觀 聖心怡善最書稠疊超遷綬陸離卽看

紆繡廡還見立盤螭月白承明殿風清太液
池衣裳瞻 舜禹步武接臯夔聲價騰朝野
輝光照鼎彝此行殊寵渥何日重來綬車轍
空攀輓驪駒難驚維金錢鄉老獻竹馬市童
騎鄙句成千字香醪泛一卮永言歌愷悌遠
繼有臺詩

上巳日卽事書懷二十韻

間關數千里寂寞一年春已過禁煙日又逢
脩禊辰誰開曲水宴空仰介山人行李經時

久韶華何處新歲侵村落靜河決道途屯破
屋懸寒甑連檣滯涸津飛廉雄勢力太昊損
精神掀簸千山撼馮陵萬虎折長渠翻濁潦
平野羃黃塵茁草青猶淺稊楊綠未勻無蹊
種桃李有徑長荆榛物色嗟如此陽和故不
均因思九陌畔還憶五湖濱茂苑芳菲別上
林佳麗真煙花錦繡織山水畫圖陳樹樹提
壺烏家家擊壤民傾瞻心快悒聊復立逡巡
鄉國天雖遠 皇州日可親儻然承寵眷端

合念顰呻第愧迂疎者負暄徒自珍

壽徐少傅三十二韻

五緯光東壁三台拱北辰彌綸天德正弼亮
帝圖新文運開虞夏昌期誕甫申山川陽羨
郡時今蓐收神東海門閭舊南州譜諫真相
傳巢鸞鷲猶記紱麒麟胎教詩書重兒嬉俎
豆陳琢磨克國器騰踏闡坤珍玉署清都上
鑿坡太液濱和鳴諧大濩古製逼先秦容物
陂千頃匡時鼎萬鈞謨謀殊密勿肝膽一忠

純允矣華夷望居然柱石身聲光維掩過勲
業轉嶙峋門下三千士 朝端四十春魏階
躋上宰榮祿冠群倫眉壽今伊始希年頃已
臻青蓮生陸地紫氣溢蒼旻舟楫推元佐著
龜用老臣引年心懇懇抗疏語諄諄闊達輕
蟬冕高閒慕角巾輿情同倚賴天眷益繁頻
几杖來黃閣軒車錫 紫宸九章周典禮百
揆舜咨詢道際明良盛功收治化淳陰陽歸
燮理民物荷陶甄 聖主勞前席群僚仰後

塵朝叅容自便藥物許相親玉骨形如鶴童
顏鬢未銀畱侯休辟穀莊叟正栽椿蕭爽蓬
壺境冲融沆瀣津欲知松子算滄海浩無垠

九峯寺

寺為楚昭王所建王尊禮無念和尚
建寺居之奏之朝 太祖皇帝召見
亦甚重之御製詩文寵其行刻石具
存且有金鉢金瓶袈裟衲衣等賜初
建寺擇地時有白衣道者指示云某
山某處可用言訖轉首忽不見既而
得茲山下有龍王廟其神即所見者
始異之寺成遂成龍王廟于傍若伽
藍然山故多蛇虺中峯最高處石岩
有大穴為巨蟒所居人不敢近無念

日往跌坐穴傍蟒遂不知所之其山四面峯巒相聚有九因名九峯寺云

鬱鬱招提境登臨勝事繁鶴棲琪樹老龍擾鏡潭渾上界天應近中峯勢獨尊崢嶸諸嶺岫羅列似兒孫路入青莎徑林縈白石垣短橋摧鴈足危磴露雲根日落飛蟲鬧人來倦鳥翻煙霞浮碧落鐘鼓報黃昏齋飯歸方丈春燈過上元跣趺蒲榻軟楮拙地爐溫坐覺心神逸了無塵俗喧高明殊氣象幽僻自乾坤未悉經營舊聞從老宿論祖師脩正覺

帝子降名藩論道超三世叅禪契一言奉崇深
睿眷 宣召沐殊 恩地得神龍啓威
驅毒蟒屯僞工千佛喜供事百祇奔奕奕宗風振
誥誥法嗣蕃開基弘象教護國演仙源
賜物珍藏久 奎章石刻存衲衣與金鉢千載鎮山門

月下讀學諭劉啟所上排律率爾用韻
括蒼環翠裏芹泮集群英鉛槧勞批抹菑畬謹課程
要將身作範焉用朴爲刑帳暖書堂

靜羶寒客坐清煙霞真自樂首宿舊同盟未
負雲津躍終期嶰谷鳴春風揚教鐸秋水照
文衡吾道乾坤正斯文日月行大烹非世味
疏越且希聲雲影方塘漾天樞一柱擎幾番
時雨化千載舞雩情浩蕩成英樂冲融鼎鼐
羹無爲慕飽飯金紫但虛名

咏莪

青青江上草感此古人詩欲采生心痛將歌
得淚垂一言真有契千載似相期惻惻劬勞

意哀哀怙恃慈江山秋盡處燈火夜深時聲
斷情方切唇乾口亦疲晨昏良自苦天地獨
何爲花落水常逝風號木不支咽唏金石碎
激烈肺肝披孰報三春惠難酬寸草私茅亭
結寒雨烏鳥助君悲

送行

聞君有歸信日日望江船泛梗憐離袂頽波
惜逝年朋簪渾散落人事故推遷落日頻延
佇青山生紫煙暫畱野人屋重上使君船行

李方傾蓋歸期又隔年擬尋雞黍約恐作水
衡遷北望京華路茫茫海樹煙

半江趙先生文集卷之四

